

Lozcwngz: Banh Aen Hozdung Gien-cienz Coenghrengz Gyauyuz Banggungz

罗城：举办募捐活动 助力教育扶贫

8 nyied 29 hauh banhaemh, Lozcwngz Mulaujcu Swciyen youq minzcuz gvangcangz gawjbanh bi 2018 “Ruzgungz banggungz yienh simndei ragfwngz caez guh muengh daihhag” giencienz vwnzyi veiyenj hozdung nem yienhciengz giencienz yizsi, ndaw yienh caeuq yangh cin ganbu、cizgungh、giyez simndei caeuq vunz gak gyaiq sevei bouxboux cungj daihliengh mbondaeh, doxcanj giencienz yienh simndei, vih lwghag bouxhoj diemjrongh daeng bae’ gyaе, аеu hengzdoengh saedsaeh caenhrengz bangcoh ruzgungz sonhag.

Ciuq cobouh gyoepsuenq, danghaemh yienjheiq vwnzyi hozdung sat le, gungh sou ndaej cienzgien 43 fanh maenz.

(Mungz Cwnghsw/蒙增师)

► Giencienz yienhciengz.



▲ Boux feihyiz swnjcienz Lij Sufangh son dajsiuq.

Gveibingz: Banh Aen Hozdung Doxdax Dinfwngz Banggungz

贺州：举办扶贫技能大赛活动

8 nyied 31 hauh, Hocouh Si youq Gveibingz Gih Ngozdangz Cin Mingzmeiz Cunh ciuhai aen hoih beizyin geiz daihngeih doxdax baengz dajsiuq Yauzcuz nem aen hozdung doxdax dinfwngz banggungz. Mbat hozdung neix, cujyau beizyin Hocouh Yauzcuz dajsiuq fapcim giekdaj, Yauzcuz Banzvangz aendozyaenq аеu fwngz guh haenx、fapcim dajsiuq Yauzduj、mbawdoz daengj.

Ciuq cam rox, Yauzcuz dajsiuq doxdax beizyin faen miz song geiz, seizneix gaenq dwg geiz daihngeih, beizyin doiqsiengq cujyau dwg Bingzgvei Gih 6 aen mbanj Yauzcuz caeuq Sahdenz Cin Swhdunghnanz Cunh, moix aen mbanj senj ok 3 boux senjsouj camgya doxdax, hoih beizyin cingj gaep guekgya “feihyiz” mingzloeg — guh buhvaq Yauzcuz dinfwngz boux daiqbiuj swnjcienz Lij Sufangh daeuq gangigoq. Doenggvaq beizyin, caenh-itbouh haivat、ciengjouq、baujhoh dinfwngz conzdungj dajsiuq Yauzcuz, gawq fungfouq Yauzcuz vunzlai vwnzva swnghhoz, youh ndaej daezsang Yauzcuz vunzlai ginghei souhaeuq.

(Vangz Ligenh/黄丽娟)

Gunghcwngz: Langhyienj Cwngzgoj Sonhag Diuqfoux Lwgnyez

恭城：少儿舞蹈教育成果展演

8 nyied 31 hauh, youq ndaw Gunghcwngz Yauzcuz Swciyen Minzcuz Dijyuzgvanj, langhyienj ciengz diuqfoux ndei yawj he. Dangngoenz, Vwnzva’ gvanj aen yienh neix banh bi 2018 ban sujgyaj beizyin yisuz lwgnyez sonhag cwngzgoj langhyienj, haujlai vunz daengz yienhciengz ngonzyawj.

Ciuq cam rox, bineix sujgyaj, aen gvanj neix haiban miz goeng’ ik ban diuqfoux、fouxciuhgeq、foux-cozsw daengj goq yisuz, 240 boux lwgnyez bauqcoh hagsib, sonhag cwngzgoj gig ndei, baenz aen yienh neix dieg sonhag diuqfoux youq-gaenj he.

(Cwng Ciminj/郑智敏)



▲ Lwgnyez langhyienj cwngzgoj sonhag diuqfoux.

Lungzswng: Dajindaem Daegsaek Bangcoh Youzcet Lajmbanj

龙胜：特色种植助推乡村游



▲ Hekyouz daeuq mbaet cimz makbakhom.

Haeuj seizcou le, youq aen suenmak Lungzswng Gak Cuz Swciyen Lozgyangh Yangh Gvanghmingz Cunh Cujsiujbei ranghom raixcaix, yinx ndaej haujlai hekyouz diegwnq daeuq mbaet cimz. Gaenh geij bi neix daeuq, aen yangh neix daihlig saedguh canloz hwngfat lajmbanj, roengzrengz dwkcauh aen mozzi hwngfat nungzyez youqndwi caeuq youzcet lajmbanj doxcaez giethab, yinx nungzhoh hwngfat ndaem makbakhom vuengzgim、mizhouzdauz simhoengz、maklozhan youjgih daengj daegsaek nungz canjbinj, dwkgvangq loh baenzfouq demsou vunzlai.

(Vuz Swnghbinh/吴生斌 Yinz Canghyen/银张艳)